

原件短缺

寄家書

牆角葵花一本有感

燕邸書懷

作書友人投筆誌恨三首

聞

詔求言誌喜

寄長秋弟

夜坐聞笛

月夜感懷

歸懷三首

閱邸報有感

聞閩警

過子元姪齋頭索字走筆應之四首

同楊道聲入都題汴梁旅店

庚申初秋全楊道聲德恒一趙過千避暑九蓮

寺分韻五首

心月上人精舍

心月上人精舍縛架種花即事

雨後

丁卯初夏雲思草堂落成步黃叔威原韻四首

草堂即事二首

戒諸生三首

送季璿六和畱別原韻二首

畱都十六景

天柱衡雲

開城霽雪

東園泛菊

龍石觀蓮

實勝斜暉

渾河晚渡

御園春望

黃山秋獵

瀋水春游

未安秋水

大堤踏月

塔灣落鴈

景佑曉鐘

天壇松月

南塔柳陰

望雲列嶂

代祝輔國公太妃

賦得夏雲多奇峯

同余惕齋讀

御製

耕織圖詩恭紀

讀性理應

令二首

半圃卽事五首

爲顧宗伯題畫

又爲人題畫

又題畫

賦得薰風自南來殿角生微涼二首

賦得別館芳菲上苑東

賦得雨中春樹萬人家

贈王臥三二首

蹕泛舟

擬扈

扈

蹕巡河應

制二首

扈

蹕虎丘應

制

塞外朝晴

塞外晚景

擬

聖駕西巡八首

洛陽道中二首

五言律

丙辰春日登凌霄

獨立高岡上。蒼茫眺遠天。河山非故物。花鳥入新年。
衰壘餘荒草。空江冷暮烟。春光渾不覺。惆悵自傷憐。
黃叔威曰賦中有比無限感慨

春暮過烏龍江戰地 丁巳季春

海國兵戈後。蕭條異晚春。空山寒戰骨。落日恐行人。
燕去餘荒壘。烏啼集短闌。蠲租聞有
念此方民

詔重

黃叔威曰亂後事蒼老悲涼王孟佳境

泉郡夜半聞警

細柳軍威肅金墉百雉牢未聞烽火警忽聽角聲高
嫠婦悲寒緯征夫拭寶刀天威應有赫螻蟻已潛逃
得一道人曰寓意涵蓄

秋夜獨坐

秋至偏多感悠然夜氣清微風分竹影好月韻琴聲
落拓驅僮僕蕭條謝友生迴思辛苦日歡笑共殘更
得一道人曰怨而不怒見者當汗下

留別許不棄

戊午春仲

共爾艱危後如何遽遠行祇緣岑寂慣反覺別離輕
海角孤臣恨天涯遊子情臨岐難細說回首涕交橫
得一道人曰清婉獨絕

留別許不入

交君已四載深淺應共知相見猶餘恨何堪遠別離
春風催客夢芳草繫人思明月高樓夜憐予倘賦詩
得一道人曰蘊藉深厚

建溪舟行

布帆三月暮旅興續春遊新漲平江樹閑花護客舟
自多辛苦志敢作稻梁謀入眼溪山好徘徊興更悠

其二

天開閩越險移棹向山行衆水爭流疾危灘奪地橫
轉帆看鳥影側耳盡雷聲閱盡風波後漁歌一曲清

其三

曲折移舟過探奇不厭頻遠村皆入畫怪石盡爲鄰
山勢隨流合溪光逐棹新白鷗齊上下若箇是閑身

其四

違親愁作客弟復逐兄行已抱孤臣恨翻傷遊子情
九閩誰代達十畝自堪耕但得天光照溪山早結盟
得一道人曰非身歷不知其確述情處更覺深厚動
人

四日山行

崖巒忘斷續躡趾復窮巔山外皆無地林中別有天
扶筇依鳥道覓溜探飛泉回首重關外白雲思更牽
王方穀曰是作記手

夜雨泊桐廬

烟雨合溟濛。輕舟入畫中。星光連水白。漁火映江紅。
古寺疎林繞前村。小渡通投竿。堪寄興。何事嘆飄蓬。
吳門觀競渡

崇明渡海

危檣乘雨霧。破浪逐長風。排盪開懷壯。渾茫入望窮。
乾坤歸一氣。日月浸虛空。屐齒登臨遍。何如此擅雄。

王方穀曰高壯雄闊與題相稱

王顓庵以相憶詩見示感賦

數載烽烟隔相逢。訝夢真乾坤。餘涕淚。詩酒寄酸辛。
自愧回天力。徒留未死身。海濱風雨夜。迴首倍傷神。
王方穀曰真摯

雨中望金山

輕櫓隨潮轉。看山面面奇。烟雲添黛色。風雨洗新姿。
塔影當空沒。鐘聲渡水遲。江天橫砥柱。遮莫鎖蛟螭。
得一道人曰妙移他處不得

寶應道中

千里長淮道。蕭然曉夜行。魚龍依積水。星月伴孤城。
天際危檣沒。烟中遠樹平。僕夫初作客。對此不勝情。
王方穀曰起勢突兀

淮上阻水小舟夜泊臺兒莊

雨漲江平岸。柴門掩水中。漁舟橫曲港。破網補疎蓬。
電過荒村白。雲沉四野空。襟懷平日壯。至此嘆途窮。
王方穀曰無聊語却悲壯

次平恩喜王采侯尊公政聲

策蹇斜陽暮。迴環繞數村。短牆圍棗栗。疎柳護雞豚。
邑小民猶古。官閑體自尊。更欣時雨足。里巷有評論。
黃叔威曰酬應語却不俗自是筆妙

寄家書 戊午孟秋

雙魚珍重去。何以慰高堂。跋涉身猶健。詩書興更長。
天心懸日月。臣節待封章。祇恐承歡缺。誰爲繼糗糧。
得一道人曰至性語

牆角葵花一本有感

漆室憂何事。孤根敢望天。風霜動地遍。雨露到君偏。

木窟山房詩集
衛足寧堪問。拔園祇自憐。丹心終向日。恥共衆芳妍。
黃叔威曰。悲婉中有骨力。

燕邱書懷

蟬聲鳴古樹。萬物已迎秋。恐動高堂念。寧堪遠地留。
天心應厭亂。臣節矢同讎。何日烽烟靜。滄浪一釣舟。
作書友人投筆誌恨

我志原何許。逢人却乞憐。是非畱竹簡。方寸付蒼天。
恥作書空態。寧尋買賦錢。蓋棺他日事。一息恨綿綿。
其二

曲江春宴好。羨我看花先。載筆趨金陛。聯珂驟玉鞭。
詩書未掃地。名節亦由天。方寸無須論。登科恨少年。
其三

天意困英雄。常投錯節中。風霜都可受。忠孝豈堪窮。
未死畱殘局。生存恥轉蓬。悲傷巾幗氣。翹首問蒼穹。
黃叔威曰。入情獨透。非尋常詠懷者比。

聞

詔求
言誌喜

盛朝
雖闕少言路。自應開仗馬。威方重寒蟬。事可哀。

天心 同日月

聖斷 願風雷寄語封章客。狐狸且莫猜。

寄長秋弟

落拓吾生事詩書。汝好尋聊將辛苦志。差慰老親心。
秋色關河遍。離愁歲月深。新篇堪寄否。天外待鴻音。

黃叔威曰真心真話厚極

夜坐聞笛

何方遊俠子。急管奏新聲。最是高秋夜。偏傷遠客情。
他鄉雲一色。萬里月同明。安得雙飛翼。凌風入太清。

黃叔威曰妙在一氣

月夜感懷

清秋澄爽氣。何事障微陰。稍覺清輝滿。旋看隱霧深。
鴈聲催朔吹。蛩響動秋砧。對此愁難寐。聊爲梁父吟。
得一道人曰古塞暮雲之句同其感慨

歸懷

偃仰更何事。歸期計尚悠。蛩鳴孤館夕。鴈度帝城秋。
入夢多新句。懷人悵舊遊。焚香聊永日。鄉思不能休。

其二

我懷猶未吐何事遽言歸。巨浸傾孤楫浮雲障暮暉。
肯將辛苦志仍付稻梁肥。秋水蒹葭遠傷心涕淚揮。
王方穀曰高潔

其三

我意艱危後天綱應轉移。憂勤真舜禹匡弼愧龍夔。
撥亂終無術明心恐未遲。痛將勁草志留與晚風吹。
得一道人曰一氣卷舒中却極沉痛

閱邸報有感

鞞鐸高懸日封章不諱時。何當止輦意止付侍臣知。

聖心慈

補牘誰堪望伏蒲未可期。紛紛完故事深負。

王方穀曰所感深矣

聞閩警

海國烽初靜旋驚羽檄馳。寇氛應自滅民隱更堪悲。
芻藁供方急追求術倍奇。

天高猶不隔誰獻監門詩

王方穀曰忠愛之言

過子元姪齋頭索字走筆應之

霽日園林好。深秋爽氣多。翠紅欺翠萼。槐老點晴莎。
感舊增遺恨。忘懷發浩歌。興來殊不厭。新月掛藤蘿。

其二

晴窓饒勝趣。靜對已忘疲。談久風生座。吟成霜滿枝。
鴈聲消客興。蛩響動秋思。大業名山事。閑中好下帷。

其三

莫言師友寡。一室有嘉賓。翠竹留君子。黃花近逸民。
臨池雲作侶。得句月相親。更有高山調。絲桐見古人。

其四

赤水神駒奮。才名擅少年。玉山看洗馬。雪句壓青蓮。
探劍龍文耀。翀霄鳳羽鮮。桐窓聊養翮。千里任騰騫。
得一道人曰。信手拈來皆有逸致。

同楊道聲入都題汴梁旅店

庚申孟春

喜遂京華約。初從宛洛期。河山收指掌。風雪壯鬚眉。
令節依村店。雄心付濁醅。清談聊永夜。差慰故園思。
黃叔威曰豪壯

庚申初秋同楊道聲德恆一趙過千避暑九蓮
寺分韻

炎暑催清興。幽尋愜素期。近村依水靜。高樹拂雲危。
景霽陰常積。人來鳥不知。蒼茫塵刹外。一望意俱移。

其二

槐逕飛花後。蟬聲變調初。暗泉分弱藻。宿雨浥新蕖。
野老羣操釣。幽人獨種蔬。身疑登太古。任意狎樵漁。

其三

勝集諏初吉。香塵沸九衢。綺羅驕穉子。釵釧施名姝。
錦褶鳴金鑄。花茵倒玉壺。笙歌催日暮。歸騎尚踟蹰。

其四

萬木連雲暗。千村合雨冥。敗蘆喧雜電。濕檻遶疎螢。
茗熟供揮麈。香微好展經。素心如不厭。清夢欲長醒。

其五

未能辭北闕。且復戀南郊。得別應縈夢。身留卜結茅。
種葵邀上客。刈黍餉貧交。不淺逃禪興。非關作解嘲。
得一道人曰賦而寓比含蓄無盡

題心上人精舍

壬戌季夏

遼海冰霜地。禪棲六月涼。披襟如不厭。揮麈亦相忘。
小檻風常靜。幽房草自香。未須呼秉燭。佛日更舒長。

得一道人曰此何時也閒心逸致殊無隕穫態

心上人精舍縛架種花即事

春寒花未放長夏種花苗結架扶新幹分籬接小條
薰風知草潤細雨喜苔嬌搖落江南後偏從此地饒
黃叔威曰便為佳識

雨後

好雨驅炎暑僧房事事幽金爐香未日竹簟氣含秋
聽梵塵囂靜拋書午夢悠却憎窗外葉滴動故鄉愁
丁卯孟夏雲思草堂落成步黃叔威原韻

聖恩

羈棲經六載隨地

寬脫粟堪留客氎裘未覺寒蓬蒿迷仲蔚風雪老袁
安思托鷓鴣翼卑枝幸不難

其二

陋巷勞車馬衝泥轍迹深敢云開徑待聊寫卜居心
掃榻薰風入牽蘿好月臨天涯幸有弟差慰鷓鴣吟
得一道人曰陶然自得何等曾次

其三

誰信投荒日居猶

帝里西遷鶯依近樹巢。燕宿新泥烟冷。薜蘿蕪逕風吹苜蓿。畦鄉關驚旅夢。夜起待晨鷄。

其四

跡辱神仍潔。身羈心尚閑。無聊成小築。偶寄愧名山。風木腸空斷。榛苓淚暗潛。天光迴蔀屋。阜帽倘生還。得一道人曰。隨遇而安。君親外無他念。當于言外見之。

草堂卽事

何處非吾分。幽居亦自然。結籬新雨後。抱甕晚風天。

細草隨時綠。疎藤用意牽。興闌吟嘯罷。斜月半窓前。

其二

小構煩修鑿。達懷靜者知。雜花斜倚岸。曲水暗通池。響定風微後。泉清月上時。聊存丘壑意。濠濮慰心期。得一道人曰。假令陶作五律。其意致想應爾爾。

戒諸生

蹴踘行間戲。儒生事不同。偷閑驚父老。攘臂喜兒童。鷺羽歌陳什。青衿刺鄭風。如何芹採後。象舞九衢中。

其二

蓬門函丈地立雪喜羣英約食鹽齏淡迎寒襍被輕
燈光分月色雞唱雜書聲勵志宜終始須慙浪得名
其三
十載飄零後蕭然老病侵僕頑無解事兒語未成音
晨倦扶衰起喉枯力疾吟諸生能報國差慰逐臣心
得一道人曰此豈失意無聊人能道者

送季璿六和留別原韻

久客驚聞別何堪復送君旅魂銷夜雨鄉思逐愁雲
空谷徒留響天涯倍惜羣臨岐多繾綣聊向酒杯分

其二

養拙渾無計銷愁賴有書多君瀟灑意頻訪馬牛餘
慰別憑詩酒相思託鴈魚梁園新句好須寄管寧居
得一道人曰送別佳句多矣警切而又自然如此者

少

留都十六景

乙亥孟秋

留都諸君子以十六景倡和從遊有學步以質于
余者余爲賦以示之然一夕信筆不足論工拙也

天柱衡雲

一柱開天秀。居然嶽鎮宗。如何有佳氣。五色盡從龍。
功德千秋盛。蒸嘗萬國恭。岐豐荒作後。葱鬱至今濃。
得一道人曰。起勢突兀巍峨允。堪弁冕。

開城霽雪

荒城宜雪霽。極日望晴空。陵闕冥濛外。乾坤沆瀣中。
灞橋思自苦。剡水興誰同。故里梅千樹。雲山隔幾重。

東園泛菊

梁苑當年菊。猶開瀋水涯。不攜千日酒。空負一園花。
冒雨還相約。無錢尚可賒。莫疑歸路遠。醉任夕陽斜。

龍石觀蓮

最是城西勝。芙蕖一望中。靜宜秋月白。豔愛夕陽紅。
越女歌誰似。吳姬調未同。何如龍石畔。蓮唱出花叢。

實勝斜暉

金碧莊嚴地。清陰映夕陽。世皆傳大乘。曾說是西方。
歸鳥投林樂。羈人望遠傷。那堪驪唱後。風送梵音長。
得一道人曰。送別地不可無此感慨。

渾河晚渡

羈人當日暮。最易起鄉愁。况值他鄉客。爭喧古渡頭。

飛飛林外鵲泛泛浪中鷗天地皆行旅何須問去留
得一道人曰旅人作此題應自有關情處

御園春望

昔日歌靈囿春光尚不殊雜花開舊樹細草接平蕪
晝靜宜啼鳥沙明喜浴鳧野人霑

聖澤只合咏騶虞

黃山秋獵

黃山秋氣好較獵喜新晴鐵騎追星疾蒼鷹逐電輕
千旗朝列隊萬火夜連營自是英雄事應慙白面生

潘水春游

邊城春較晚三月試新泉鬪茗尋僧寺攜樽覓釣船
白鷗翻水曲狂客醉花前不覺城南月沉沉下遠川

永安秋水

新漲正初秋千峯合急流試從橋上望勝向艇中遊
影愛溶溶月波宜泛泛鷗蒹葭白露外隨處是滄洲
得一道人曰妙在一氣

大堤踏月

周道通京國偏宜踏月行更闌萬戶靜星曉一天清

棲鵲驚歸思啼鳥愴旅情。嘯歌不覺曙。茅店已雞聲。
得一道人曰不寫月而踏月甚切

塔灣落鴈

衡陽寧遠道。却逐朔風斜。何事辭天路。翻然下淺沙。
稻梁謀自拙。矰繳慮偏賒。倘憶名題舊。徘徊瀋水涯。

景佑曉鐘

萬戶籟方寂。一聲晨夜分。不從禪室度。却向上清聞。
鶴陞應催漏。鴈班已列羣。神宮聯禁闥。昭格

聖懷愍

天壇松月

配帝明禋地。松間月色涼。枝頭微見影。樹杪暗通光。
露下清陰濕。風來仙籟長。黃冠遺老在。指點舊班行。

南塔柳陰

何處輕陰好。城南十里青。迎春枝嫋嫋。入夏影冥冥。
雅愛微風舞。偏宜細雨零。不堪頻折取。離恨滿長亭。

望雲列嶂

王氣自東北。千峯蟠曲來。却從山寺望。列嶂似屏開。
蒼翠空中合。雲雷地底迴。老僧如有興。扶杖掃莓苔。

得一道人曰確是信筆寫來十六首皆不費力雕琢
却皆有自然韻致恐極力刻畫者未必能勝之

代壽輔國公太妃

寶婺銀河煥瓊筵朱邸開紫霞浮玉學瑞氣接瑤臺
舞妙鸞笙度歌清錦瑟催含飴歡正未繞膝共傳杯
賦得夏雲多奇峯

聖朝多瑞應岱嶽起封中
觸石偏增態崔嵬入遠空玲瓏緣映日傾側爲凌風
幻相林巒異炎威巖壑雄

同余惕齋讀

御製

耕織圖詩恭紀

己卯仲冬

九歌紹帝典七月續豳風誰悉艱難事皆歸宵旰中
憂勞周蒞屋疾苦繪

深宮

聖訓

垂千祀揮絃解愠同

得一道人曰莊重的是初唐

讀性理應

令

盛世人文煥

興朝正學崇靜探濂洛理遠接孔顏風聖域圖書秘皇

猷禮樂功

君師今一統大道日方中

其二

理學程朱正淵源洙泗傳圖推無極體卦闡啓蒙篇
經世知觀物西銘識事天表章逢

聖主道法萬斯年

得一道人曰無一泛字閑句莊重而不佻深細而不

腐宋人之書而詩却是唐人聲響宜其獨冠羣英

深蒙

睿賞也

半圃卽事 庚辰季春

窮達無他戀幽居傍

帝城疎林分野色好鳥作春聲稼圃安吾素詩書慰此生

東風如有意催送百花明

其二

徑荒人迹合草樹互縱橫自有林泉意時聞風雨聲

網蟲當戶掛巢燕向賓迎吟嘯情何極開窓待月明
其三

但得桑麻趣閑閑十畝同泉源資地脉霖雨待天工
興寄揮鋤外機忘抱甕中客來呼剪韭真率野人風
其四

學圃差如願閒情亦種花藤牽依架密竹繞傍窓斜
鳥語皆成韻蟬聲不厭譁武陵隨處是高臥足烟霞
其五

卽此成真賞何須物外尋身雖依

禁

闕情已遂山林曠攬鳶魚趣靜觀天地心箇中難索
解餘興寄瑤琴

得一道人曰非具此心曾不能強作此語然却是廟
堂中人語不是農圃中人語王孟有此意致少其
深厚細味自見

爲顧宗伯題畫

浪蹙盤渦險石蟠砥柱奇懸崖憑水峙老樹鎖藤垂
寺僻行蹤少僧慵梵課稀何當此避地浩蕩慰心期
又爲人題畫

春水波方綠。春田麥正芊。舟沿絕壁下。纜傍小堤牽。
石上泉聲好。林間鳥語妍。草廬聊抱膝。幽興倩誰傳。

其二

秋岸荻蕭蕭。秋江萬里遙。櫓聲催落葉。帆影逐歸潮。
雲樹鄉關隔。烟波意興饒。登臨隨處是。一任狎漁樵。
得一道人曰。題畫之作。只如寫景。由其胸中神往。故

情見乎詞也。

賦得薰風自南來。殿角生微涼。

辛巳孟夏

祝融司令日。何意快披襟。炎景隨軒律。薰風協舜琴。

曲池荷偃蓋。隔岸柳垂陰。玉陛銷煩暑。寧須覓遠林。

其二

節候天中近。薰風喜應時。鳥聲當戶囀。樹影向窓移。
解慍揮絃樂。襲裾草賦宜。憑軒吟嘯罷。晝漏正遲遲。
賦得別館芳菲上苑東

上苑春深日。梁園景物芳。花分宮樹豔。柳接禁烟長。
在藻潛魚躍。啣泥舞燕翔。

皇仁

同大造。隨處沐恩光。

賦得雨中春樹萬人家

春郊東作日時雨。慰農家一望冥濛裏。千村桑柘斜。
牆陰添小草。屋角吐新花。閭井喧闐語。預將歲事誇。
得一道人日題。難二語寫盡。

贈士臥三

屈指睽離久。低徊欲斷魂。行藏何日慰。故舊幾人存。
往事難追數。新詩且細論。相過如不厭。倒屣候柴門。

其二

展卷多奇蹟。知曾度磧來。艱辛趨鴈塞。飛輓上龍堆。
蘄北軍書下。天南老友回。欽君敦古誼。記述更多才。

擬扈

蹕泛

舟

壬午孟春

鳳舸環畿輔。言循春省行。牙樯天際動。綵仗日邊明。
萬井晨烟合。千峯曉翠迎。康衢謳誦者。穉叟有同情。

擬扈

蹕巡

河應

制

節序屆初冬。

出九重百川稱允翁。萬派喜朝宗。史已書。惟叙天應。

報。屢。豐。淮。徐。諸。父。老。擊。壤。頌。華。封。

又前題

聖主

民依切金堤。臨告成超禹烈底績慰。

堯心。已慶禾登隴。還看柳作陰。翁河今有頌。併入權歌吟。

得一道人曰。以此入盛唐。誰能辨者。

擬扈

蹕虎丘應

制

生公說法地。片石舊香臺。仍有珠林在。還迎

玉輦。來禪心留薜荔。花雨印莓苔。雲漢

天章。麗賡歌愧乏才。

塞外朝晴

秋河夜景霽。塞日曉光清。野色望中曠。沙痕空際平。

蹄輕閑試馬。羽燥緩調鷹。帳殿瞻佳氣。葱蔥遶

御營

得一道人曰。字字是晴。

塞外晚景

返景當空麗晴沙入望平千峯含暮靄萬帳起秋聲
牧隴牛羊下歸鞍雉兔盈割鮮聊進酒邊月照龍旌
得一道人曰字字是晚

駕西巡

海宇昇平日

鑾輿出省方屬車皆簡閱羽騎悉輕裝豹尾迎風肅龍旌
映日光西州父老望嵩祝萬年長

其二

銜陳隨日馭閣道應天行所以勞
祇為達下情民依詢務遍軍實核須精試聽輪軒味

蒸蒸起頌聲

得一道人曰自然大方初唐名句

其三

帝德王功盛難祛水旱侵九年勞禹績六事見湯心
補助崇朝徧

恩膏率土深生全忘

帝力里巷自謳吟

其四

晨起離城郭。迴環繞數村。短牆圍棗栗。疎柵護雞豚。
古樹留斜月。茅茨映曉暎。太和成象日。冬月似春溫。

其五

都會風謠古。鄉閭生齒多。同心依井里。比屋習絃歌。
蜡臘兒童喜耕桑。婦子和茅簷。暴背叟負襁。任婆娑。

其六

宗盟周室盛。往事允堪師。西土隆分陝。東郊任保釐。
遺風應未遠。勝蹟尚如斯。攬轡因懷古。高山慰所思。

其七

克豫民猶樸。雍涼氣倍剛。儉勤推冀并。風化自陶唐。

聖世車書合

皇朝教澤長。比閭安作息。至治邁羲黃。

其八

帝王都會地。風教向來殊。此日時巡遍。

恩膏浹九區。祥雲凝後乘。瑞雪灑前驅。珥筆書

時邁從今續典謨。

得一道人曰。代擬諸作不事雕績。皆有初唐應制筆。

意

洛陽道中

洛邑稱天府。經營紀簡編。姬公定鼎日。漢帝建都年。
形勢推邛穀。朝宗有澗瀍。扈遊聊紀勝。往蹟尚依然。

其二

漢武登封日。山呼萬歲聲。

翠華

今幸此童叟。笑歌迎問俗。風謠達乘時。補助行百靈。
應獻瑞天意。驗民情。得一道人曰。立言有體。

松鶴山房詩集卷之四目錄

七言律

乙卯秋送友之延津

友人問疾座有鼓琴者。命余續彈。未果。因貽余詩。有琴聲無復。後人彈之句。遂依韻奉和。

哭范制臺二首

同李厚庵登清源山和蔡虛齋先生韻

李南甫年叔招飲卽席賦呈

李樞卿招泛舟清溪

贈李甫年叔

孫思哉邀登月峯

次涵江野有耕夫誌喜

水中紅梅影和韻

烏峯過雨

秋興八首

雲棲和乜仙畱別詩四首

上巳日遊鼓山

宿廡院

湧泉寺

喝水巖

登芳巖峯二首

白雲洞

宿祖師堂

華藏經堂阻雨

天鏡巖

仙霞關

心航仙觀

吳山晴望

淮上暴雨

戊午立秋後一日至都門感賦四首

潞河卽事贈主人

易水懷古

平刑關

擬遊五臺山不果

龍泉關

楊椒山先生祠

宿桑乾題壁

過子元姪齋頭懷景生兄感賦

秋聲

秋色

秋情

秋景

瓊島春雲

太液晴波

薊門烟樹

居庸疊翠

西山霽雪

玉泉垂虹

玉泉垂紅

金臺夕照

蘆溝曉月

落花三十首

朱雪岷邑高苑之三月有走卒羅必振叩馬上

書索詩篇文采斐亶因作詩以美之二首

贈浦城令周五尊同年

贈張守府自浙東移鎮溫陵

已未再入都江干留別諸同學

劍水

建溪舟行

除夕前一日次吳門

吳門寄二弟

寄長秋弟

代壽武林錢太翁

春仲清風店阻雪同楊道聲分韻

贈陳中準由浙東擢鎮山陰

壽王農山先生雙壽

送涂紫峙之魏縣

贈南陽別駕陳北山

又代贈陳北山

代陳崇昇贈其姪孫中準鎮山陰

咏菊

御袍黃

玉牡丹

慶雲紅

剪霞綃

醉楊妃

粉西施

瓶菊

殘菊

西曹坐繫書懷兼寄兩弟五首

初被繫守者趙公索詩因題贈之

題松鼠竊葡萄畫扇

鄭雪廬先生以簞頭黃紫二菊命題因步朱起予畫菊詩四律原韻

關西墨客以扇頭黃紫二菊呈鄭雪廬先生余既為咏詩而朱起予重賡前韻楊友道聲繼至復新鄧唱筆墨既多風味各見增余感慨為足一律

東行口占三律

留都北郊白塔

癸亥春日即事

代人書紙戲題

灌花即事

贈爾彈上人

贈司農莽公長君

贈民部佛君

贈張明黃

戊辰初夏全諸生郊遊射飲題李生筆

又書楊生扇

步唱公自秦中省覲還

中秋勝集步

喬大師韻

戒諸生飲烟

賀許庶三擢國子監丞

癸酉初夏六日同劉子端吳道人暨諸及門爲
千山之遊是日渡小遼水

遼陽酒家約顧澡雪同行不果

祖越寺

無樑觀劉子端怯不敢登嘲之

龍泉寺

中會寺時劉子端將納寵又向僧房卜居嘲之

大安寺登望仙臺不果

大安阻雨

香嚴寺

取道雙峯回瀋

喜澡雪移居東鄰步孫嘯夫原倡六首

張姓里人自海舶抵留都詩以贈之

遼河卽事限韻

餉存誠黃精二首

白雲別墅二十四景

杏林曉日

菊岸晚風

雨後課耕

晴秋觀穫

鳥道杖藜

漁磯垂釣

暑雨趣耘

夕陽歸牧

野艇漁燈

遠岡樵唱

春壁花叢

秋巖錦葉

冰鏡窺魚

繡陌射雉

雲岫探泉

虹梁觀瀑

古洞鹿蹤

綠陰鶯語

浦溲浴鳧

河干宿鷺

月夜松濤

霜天清磬

列嶂明霞

羣峯霽雪

燈花

鳥夢

惜花春起早

愛月夜眠遲

代祝輔國公太妃

觀漁

觀射

郊外射飲

燕剪

紀

恩兼留別留都諸生之作二首

蒙

恩旨後送內人靈柩南歸二首

七言律一

乙卯秋送友之延津

慷慨將陳行路難。啣杯此夕強相歡。乾坤有恨憑誰訴。歌哭無聲藉酒寬。九月霜清楓葉下。五更風急客舟寒。延津北上經過地。回首君應涕淚潸。得一道人曰須知。是敗興後深心語。非撒手語。

友人問疾。座有鼓琴者。命余續彈。未果。因貽余詩。有琴聲無復後人彈之句。遂依韻奉和。支離臥病空齋裏。佳客來過亦強歡。萬事盡從杯酒

冷此生已作戲場看。雄才愧爾應難和。苦調逢人未
忍彈。往日不堪重記憶。五年燈火舊雞壇。

哭范制臺

丙辰秋季

見說延津已倒戈。忽傾天柱意如何。妖蟆不道終侵
月。毒鱗寧當復湧波。暫歛忠魂歸斗極。終留正氣護
山河。傷心萬戶無童叟。掩袂吞聲血淚多。

其二

却憶當年棨戟臨。隨車甘雨沛商霖。萊公惠政遺恩
永。常袞文章教澤深。此日山川埋碧血。萬年風雨護

棠陰。英靈慘淡騎箕去。長慟誰明後死心。

登清源山和蔡虛齋先生韻

丁巳孟夏

攬勝同登萬仞巔。凌風遙望海門天。千家村郭羣峯
繞。一片飛雲遠樹牽。古寺僧還除蘚徑。空山客到覓
清泉。東南戰氣今應息。詩酒何妨慶有年。

李南甫年叔招飲賦呈

李膺海內舊儒宗。文舉通家喜過從。竟日雄談驚四
座。當年文史足三冬。升堂問字皆携酒。閉戶修書久
種松。徙倚東山聊寄興。行看夢卜訪夔龍。

李樞卿招泛舟清溪

尋芳選勝續春遊。百尺飛虹駕綵舟。岸轉松篁迷遠嶼。風迴簫鼓蕩中流。清樽醺醖浮香荔。火樹菁葱吐石樞。更逐漁歌邀月醉。不須秉燭續觥籌。

贈李甫年叔

書生談笑覓封侯。志掃鯨鯢暫挽強。黃石傳經藏祕略。平原愛客擅風流。十年磨劍星文爛。萬里搏空鶚翼秋。天遣李晟爲社稷。君應努力繼先猷。

孫思哉邀登月峯

高峯月滿俯千家。竟日登臨興未賒。老檜踈藤交上下。亂蟬啼鳥自參差。探泉敲火烹新茗。繞徑鋪茵坐落花。此日爲君應盡醉。明朝相望隔烟霞。

諸葛元策曰一往情深

松鶴老人曰。此時甫離湯火。快接同心。方欣各出。所得互相折衷。况美景良辰。通家共聚。賢主嘉賓。彬彬濟濟。興來浮白。恨不吞海吸川。意到揮毫。便欲傾江倒峽。計余一生。未有如斯遊之樂者也。而余自弱冠。冒虛聲。此時年二十有七。在難中時料。

賊事如觀火事後皆應泉郡諸君子所共聞及夜
半山賊入城余從容嘯咏決賊去蹤又諸君子所
共見人情厭常好異賤近貴遠本無足怪比余詣
湖頭而倒屣聚觀投縞贈紵者絡繹要亦推主人
之愛爾方幸以爲庶幾無辱賢主人豈意猜忮自
此萌余之禍機卽自此伏乎噫嘻自古忠臣孝子
只此一腔心血昭然天地間縱抑于一時無終湮
于事後至勳名事業實有前定非人力所能爲也
天之生余有意無意亦未可知大都福命淺薄假
令當年蠟書姓名上達安知不以百事遂意壯往
取凶有甚于今日而斷金者已自千古今一則偃
僂廟堂一則徜徉泉石至松楸莫問同抱恨于終
天趨時者或有所低昂識者以爲兩敗俱困清夜
自思恐亦悔從前用心之過苦也偶檢舊篇荏苒
四十年如一夢其中離合升沉恩怨不知幾滄桑
而與斯遊者其存歿已多不可問乃益嘆釋氏死
生同觀怨親平等之論使人興感也

次涵江野有耕夫誌喜

天朝有道已除殘。此日耕農喜得安。十里桑麻村犬吠。一

犁風雨短。蓑寒租蠲應識。

君恩厚。亂定方知。

帝力難。我有監門圖欲繪。今朝莞爾為加餐。

得一道人曰。是憂國語與一味刺譏者不同。

王方穀曰。命意深厚。

水中紅梅影和韻。

濃姿掩映耐霜寒。朱粉輕勻洗未殘。洛浦初迴珠翠
艷晴川乍染綺霞丹。魚吞空作沉香夢。鵲踏驚將火

樹看一望芳魂深處渺。孤山倒入錦江瀾。

喬大師曰。巧而不纖。

烏峯過雨。丁巳仲春。

萬里凝雲暗。盡樓峯前一碧望中收。翠添草色迎春
媚。潤入苔痕映篆幽。放眼滄江驚峽浪。側身天地任
虛舟。荒臺日暮瀟瀟冷。倚檻凌風思更悠。

得一道人曰。後此數年大局放眼二句。似為先兆句。

却自老到。

秋興八首。

風高氣肅火西流。極目河山一望收。四野旌旗戎壘靜。萬家砧杵海天秋。降王繫組初投款。大將橐弓好運籌。共唱饒歌歸。

北關凌烟次第論勳酬。

其二

海國烽烟數震驚。

王

師南下掃長鯨。營連列嶠龍蛇陣。氣壯空山草木兵。伏莽賣刀依樂土。遺氓扶杖慶更生。西風滿野歌鴻鴈。安得循良翊太平。

喬大帥曰有不盡之思。

其三

七閩文物甲南天。萬井桑麻異昔年。驛路秋殘飛羽騎。荒城突冷起寒煙。閩人漫唱悲笳曲。征帥休歌采芑篇。欲使海濱銷戰氣。伏波何日駕樓船。

得一道人曰少陵諸將何其似也。

其四

濃雲掩靄萬山陰。斗柄西移霜滿林。叢菊遲開秋意淡。高梧未老早寒侵。勳名顯晦由青史。方寸孤危寄。

素琴長劍倚天歌。楚調淒涼宋玉少知音。
王方穀曰：悲壯高老。

其五

高樓獨坐意何如。寂寞秋風嘆索居。尚憶艱危良友
共敢云貧賤。故交踈。霜天曉角驚殘夢。寒月孤燈檢
舊書。檻外青山供嘯傲。更從何處問樵漁。

王方穀曰：中二聯自成堅響。

其六

神京宮闕燦晴霞。南苑秋深泛

御。艤槐葉乍飄。開桂子蓮房初老。吐黃花虹垂玉竦。三
千尺烟鎖金城。十萬家遙隔海天。徒悵望寒江露冷。
泣蒹葭。

其七

期門護蹕繞城臯。萬乘長楊擁羽旄。鐵騎霜寒飛草
疾。蒼鷹秋健逐雲高。爭誇鳴鏑濺紅雨。喜控歸鞍數
錦毛。銜檄有書誰入告。三年講武

聖躬勞。

王方穀曰：忠愛之思溢于言表。

其八

當年起草侍

鱸膾娛親請

明光尚方

紫誥

玉陛

恩榮頒

彩衣秋好舞牙樁。羣公贈別辭偏壯。三徑歸來菊正芳。回首風塵紫遠夢。高懷搖落任清狂。

喬大師曰擬秋興者多矣。貌之不得。况其神乎。此獨低徊今昔。唱嘆悠揚。而忠愛之忱。曠達之致。言外

自見。非徒優孟衣冠而已。

王方毅曰儷句精工。安章頓挫。深入少陵之室。合全集而言之。曾。有武庫而斟酌損益。不渝毫髮。所謂才大如海。心細如絲。執牛耳于壇坫之上。虎帥以聽。疇敢不聽。紛紛講歷下。竟陵。婁東。雲間。無有是處。

雲樓和乜仙留別詩四首

丁巳孟冬

律轉陽春淑景遲。山光入戶映仙衣。閒中墨舞風生座。興到詩成酒滿卮。藥作金丹花似色。相聲傳玉磬。鶴

柳。鶴。山。房。詩。集。
威儀朱幢羽蓋烟塵隔。永日高樓靜掩扉。
喬大師曰。到此令山人雲間回首。

其二

一樓共醉小春天。未了塵心許著鞭。正喜同堂誇勝集。豈期作賦續離筵。平原興致遲他日。河朔風流異昔年。難向白雲邀去路。好將梅信訂來緣。

其三

報國圖功未有期。今中情緒冀天知。家貧脫粟堪留客。親老求方願學醫。載酒尋花心已淡。登高作賦思

偏遲。臨岐許我他年事。倚劍長空祇自疑。

其四

未許悠悠識此心。怨歌楚調不同今。懷應有恨畱青史。罪倘堪原寄素琴。鴈信已沉秋意遠。梅芳欲發歲寒侵。功成拂袖期何日。洞口桃花好共尋。得一道人曰。步韻之作。却瀟灑自然。乃爾暢所欲言。與牽強湊泊者不同也。

上巳日遊鼓山 戊午季春

曲水尋春客興同。漫招釣艇泛城東。四圍野色晴光

松嶺山房詩集
裏一。聖。松。陰。夕。照。中。入。浦。微。茫。山。店。月。近。村。飄。映。酒
旗。風。登。臨。豈。減。流。觴。趣。步。覓。鐘。聲。謁。遠。公。

宿廡院

入。徑。山。僧。喜。過。從。追。隨。遙。指。最。高。峯。崖。前。老。樹。頻。啼。
鳥。天。半。驚。濤。欲。吼。龍。江。色。靜。涵。初。月。照。寺。門。長。倩。白。
雲。封。禪。燈。一。榻。塵。心。寂。曉。起。相。招。策。短。筇。

王方穀曰畫不出

湧泉寺

山。半。深。藏。古。刹。尊。紆。迴。屐。齒。疊。苔。痕。風。傳。松。籟。渾。鐘。

響。雲。護。山。光。失。寺。門。俗。客。少。過。偏。適。興。老。僧。靜。對。更。
忘。言。桃。源。路。杳。靈。源。近。漫。學。逃。禪。且。避。喧。

王方穀曰幽杳更勝於畫

喝水巖

當。年。一。喝。白。雲。間。喝。後。泉。聲。去。不。還。初。逐。天。風。離。古。
洞。却。隨。江。月。度。前。山。禪。心。應。喜。塵。囂。靜。客。興。偏。饒。屐。
齒。閑。薄。暮。忘。歸。石。上。望。苔。文。深。鎖。墨。痕。斑。

登劣崩峯

躡。屐。攀。躋。興。自。豪。穿。林。覓。徑。入。雲。高。天。風。飛。送。千。尋。

松。崔。山。房。言。集。卷。之。四。七。言。律。十。一。
瀑。海。日。晴。翻。萬。里。濤。近。郭。桑。麻。開。繡。壤。滿。城。烟。火。雜。
征。旄。東。南。戰。氣。何。年。息。我。欲。長。竿。釣。巨。鼇。

王方穀曰壯音殊彩

其二

層。巒。高。處。俯。晴。穹。八。面。奇。觀。迥。不。同。雙。鳥。浮。沉。青。靄。
外。萬。山。離。合。白。雲。中。泉。歸。洞。壑。聲。聞。靜。天。入。滄。溟。法。
界。空。對。此。心。神。應。共。曠。更。思。乘。興。御。長。風。

王方穀曰兩聯可空從來作者

諸葛元策曰二詩氣象磅礴法度精嚴當與山千

古矣

白雲洞

鳥。道。盤。旋。步。怯。前。短。筇。又。度。一。峯。巔。山。懸。壁。立。疑。無。
地。雲。擁。江。平。盡。作。天。泉。水。聲。中。僧。入。定。石。門。深。處。客。
揮。絃。斜。陽。拂。袖。歸。來。晚。靜。掩。松。關。抱。月。眠。

宿祖師堂

千。年。古。刹。自。蕭。梁。靈。鼓。高。懸。振。上。方。流。水。無。聲。禪。意。
寂。通。霄。有。路。法。輪。長。名。花。作。對。應。微。笑。開。士。相。依。却。
不。妨。惆。悵。往。時。興。廢。迹。鐘。催。斜。月。下。西。廊。

華藏經堂阻雨

華藏經堂佛地尊晴光步去倏冥昏雷聲催雨千峯
暗雲氣沉山萬樹吞泉入急流添澗響嵯懸新綠濕
苔痕須臾霽色饒清韻風捲松濤出寺門
王方穀曰中二聯俱妙後聯尤細而新

天鏡巖

誰開一鏡碧巖巔不洗長明萬古懸風雨來時常接
月薜蘿深處却通天須教磚上清光滿何事臺前拂
拭妍識得當年花影意蒲團拋却好安禪

得一道人曰松際窺人千嶂月中留客半牀雲此
山警句也然氣象稍隘此則俯仰六合雄聲壯彩
絡繹而來令人目不給賞遊山佳句固易似此未
可多得

王方穀曰筆墨與山川相映發所以有名蹟不可
無高文輞川裴王稱僅事矣不意永嘉之末猶
聞正始之音游勝中携此實勝坡公南遷二友

仙霞關

戊午孟夏

雄關萬仞勢峇嶢作鎮南天翊

聖朝

夾道松杉。虧日月。數家雞。犬入雲霄。攬槍負固。心偏
大。貔虎長驅。甲已銷。自是克師原。在德。粵山楚水。豈
云遙。

心航仙觀

一峯高曠。自天開。萬仞松風捲地來。雨過龍鱗橫隔
岸。月明鶴羽下層臺。畫航點染滄洲趣。巖石安排造
化胎。洞口桃花。休問渡塵心淨處。是天台。

吳山晴望

高峯作界。勢穹窿。吳越江山一望中。烟火萬家誇繡

錯。湖光千頃。漾晴空。故宮芳草參差碧。古道閑花寂
寞紅。立馬雄圖。成往事。低徊長嘯動天風。

淮上暴雨

戊午仲夏

衝泥策蹇。苦難行。晴午沉陰倏又生。風捲怒潮排岸
動。江翻飛雨挾雷鳴。側身天地忙中幻。轉眼波濤歇
後驚。覓旅燎衣看薄暮。雲山回首不勝情。

戊午立秋後一日至都門感賦

秋風昨夜到長安。客子朝來喜解鞍。萬井桑麻依日
月。九天閭闔盛衣冠。傾裝獨嘆貂裘敝。對酒高歌行

路難遙向五雲深處望。低徊今昔倍辛酸。
得一道人曰：境真情真語真，與尋常感懷之作不同。

其二

共喜甘霖逼近畿。又傳邊塞羽書飛。期門萬騎增閩
傲。河戍千艘援楚圍。籌之司農愁仰屋。秋深征帥賦
無衣。纍纍捆載呼關入。尚有盈裝解組歸。

其三

五年烽火照京都。景物豪華尚未殊。寶馬仍塵三市
路。繡車猶擁九通衢。

廟謨

指日安樽俎。民痛何時入畫圖。最是天南濱海地。魂
招不盡鬪體枯。

王方穀曰：老杜諸將之後，再見此作。

其四

聖主
浦輪初下慶彈冠。鞞鐸高懸諫路寬。
疇咨今已切。羣公補袞豈辭難。珠沉滄海光應現。鳳
翮朝陽彩自丹。勝事諸君同努力。孤臣拭淚望

金鑾

潞河卽事贈主人

帝京

嗟。峨。雉。堞。聳。雙。城。烟。火。如。雲。翊。
玉。粒。千。倉。司。計。部。牙。檣。萬。櫓。隸。虞。衡。長。堤。柳。暗。看。車。
擁。繞。市。花。明。簇。仗。行。此。地。賢。豪。多。慷。慨。殷。勤。投。轄。古。
人。情。

王方穀曰的是潞河光景不可易

易水懷古

國。士。由。來。重。報。恩。當。年。成。敗。未。須。論。精。迴。天。地。虹。先。
貫。劍。叱。羸。秦。氣。已。吞。燕。市。月。明。擊。筑。金。臺。風。急。冷。
歸。魂。河。流。嗚。咽。增。憑。弔。策。塞。城。西。日。欲。昏。

僧文輝曰荆卿有知當悲感地下

平刑關

亂。石。嵯。峨。亦。壯。哉。龍。蟠。虎。踞。自。天。開。層。城。雲。鎖。雄。三。
晉。壘。嶂。風。高。控。五。臺。雞。犬。相。聞。誇。樂。土。烽。烟。長。靜。老。
邊。才。平。刑。猶。是。昇。平。地。回。首。東。南。客。思。哀。

擬遊五臺山不果

五。峯。天。半。鎖。烟。霞。寶。藏。珠。幢。釋。子。家。勢。控。太。行。蟠。巨。
鎮。派。分。靈。鷲。落。曇。花。寒。深。六。月。常。飛。雪。塞。近。三。秋。好。
聽。笳。策。馬。長。安。看。未。得。西。風。回。首。暮。雲。遮。

王方穀曰雄而逸

龍泉關

策馬西風度險巖。遠村邊樹暮雲低。層城鎖鑰分燕。晉九野星躔入尾箕。烽靜秋深閑虎旅。臺高日暖耀龍旂。普天未盡銷兵氣。閩外宣猷倍昔時。

楊椒山先生祠

當年諫草烈秋霜。國士同聲振廟廊。化碧有懷酬俠客。控冤無路達天王。豐開馬市忠魂恨。祀煥瀛洲俎豆香。將相負恩何代少。先生千古一封章。

王方穀曰悲涼可感

宿桑乾題壁

策蹇西風度板橋。神京咫尺入雲霄。羽書夾道披星疾。遊騎千羣逐草驕。幾處烽烟歌祚席。何年山海晏漁樵。杞人有恨重閨隔。長嘆更寒坐寂寥。

王方穀曰一團忠愛

過子元姪齋頭憶景生兄感賦

西園投轄憶當年。翠管紅牙春暮天。五載干戈驚夢蝶。三秋風雨怨啼鶯。琅函滿架窺鴻祕。寶樹盈堦喜

象賢竹色槐陰猶不改。低徊腸斷鵲鴿篇。
得一道人曰寫得入情。

秋聲

邊鴻嘹唳度燕臺。亂葉蕭疎巖壑哀。塞北風催千里
暮。城頭角逐九門開。悲笳向月吹殘柳。短笛先春落
早梅。最是不堪閨婦嘆。寒衣刀尺倚燈裁。

秋色

碧空月好下西廊。銀漢飛星接曉光。十里青山皆入
畫。一林紅葉不留霜。江干鴈度沉寒影。檻外螢流送
晚涼。攬鏡愁多思索酒。東籬靜對菊花香。

秋情

淒清何事客愁侵。感物騷人獨苦吟。久戍衣單傷夜
月。空閨漏永泣寒砧。登臨漫作千秋恨。送別長驚萬
里心。一水蒹葭勞夢想。蒼茫城闕隔雲深。

秋景

新涼乘興作郊遊。載酒還邀好月留。薜荔山深人作
賦。芙蓉江滿客行舟。樽開菊圃同陶令。曲奏清商擬
莫愁。更喜調鷹多俠少。輕弓淺草逐驂驪。

得一道人曰秋之可咏似多大都亦不外此吐吞風
雅覺草賦者猶落第二乘也

瓊島春雲 戊午仲秋

御苑春深晝漏遲。洞天佳勝曉雲披。葱葱瑞靄迎風
聚。冉冉遊絲觸石奇。寒色不侵三島樹。晴光長護萬
年枝。山龍補袞還應繪。五彩文章更陸離。
得一道人曰冠冕堂皇確是初唐應制

太液晴波

太液風清水自流。晴光萬頃望中收。千條柳色圍明

鏡十里荷香護

御舟 鳳吹隨波迴碧落。龍樓倒影入滄洲。金鰲橋上堪翹

首靜倚雕闌數白鷗

薊門烟樹

薊丘古道好停鞭。綠樹菁葱入望妍。翠色淡濃春雨
暮。清陰斷續曉霜天。花明別墅遊人度。日落平原獵
騎旋。回首鳳城看未遠。蒼茫偏恨隔雲烟。

居庸疊翠

雄關高控朔方雄。疊嶂青蒼一望中。翠壁雙懸磨日

本。崔。山。房。詩。集。
月。松。濤。萬。仞。挾。雷。風。秋。深。草。短。看。鳴。鏞。春。暖。花。明。較。
射。熊。邊。帥。從。容。烽。火。靜。題。詩。勒。石。莫。論。功。

西山霽雪

長。安。霽。色。入。春。來。西。望。瑤。臺。八。面。開。草。綴。琪。花。藏。翠。
黛。林。攢。玉。樹。護。莓。苔。朝。霞。倒。映。姿。偏。淡。夜。月。同。光。影。
不。猜。天。半。畫。圖。誰。彷彿。孤。山。移。種。萬。峯。梅。

玉泉垂虹

疊。嶂。飛。來。水。一。泓。晴。霓。如。練。巨。空。橫。每。隨。江。月。澄。寒。
影。乍。逐。天。風。作。雨。聲。濯。秀。平。川。芳。草。潤。分。流。上。苑。御。

溝。清。長。安。塵。土。三。千。尺。洗。耳。還。須。策。杖。行。

金臺夕照

昔。日。招。賢。稱。勝。事。相。傳。此。地。築。金。臺。千。金。駿。骨。高。風。
遠。萬。里。平。原。晚。照。開。草。色。參。差。侵。古。道。松。陰。凌。亂。傍。
雲。隈。霸。圖。寂。寞。何。人。問。但。有。寒。鴉。向。夕。來。

蘆溝曉月

桑。乾。寒。月。影。茫。茫。橋。上。征。人。逐。曉。光。掩。靄。帶。星。沉。遠。
樹。朦。朧。披。霧。下。危。檣。平。沙。鴈。度。三。秋。水。茅。店。雞。啼。一。
夜。霜。殘。夢。驚。心。續。未。得。佇。看。朝。旭。耀。東。方。

得一道人曰作此題者多矣未見恰好者何也蓋此
題有宜冠冕者瓊島太液是也有宜蒼涼者薊門
金臺是也有宜雄壯者居庸是也有宜清曠者西
山玉泉蘆溝是也此不過因物賦形遂成合作

落花三十首 已未季春

括香女史護薰籠。報道春光別漢宮。金井草深留秀
色。瑤階芝暖送芳叢。壽陽巧作新粧艷。妃子慵添寶
髻紅。却憶軒皇曾獻瑞。依依曲蓋五雲中。

其二

曲江宴後晚風催。膩粉香塵撲面來。寶馬驕嘶珠勒
亂。鈿車乍度繡茵開。却將輕艷飄紈扇。故送繁英逐
酒杯。絲管錦城行樂罷。春光滿地踏歌回。

其三

羯鼓憑軒一曲新。淋鈴夜雨浣香塵。難言銷恨翻增
恨。誰信催春却減春。鳥語蜀山空寫怨。鹿啣秦苑暗
傷神。淒涼奉詔清平調。七寶玻璃舊賜頻。

其四

諸楊秦號號如雲。羅綺春風按隊分。院落亂拋鶯粟

松鶴山房詩集
粒鞦韆高舞石。福裙明珠寶瑟輕。塵擁墜粉殘脂夾。
道芬蕙性可憐。終不歇。鴛衾借暖錦籠焚。
得一道人曰。但覺風華不傷搖落。

其五

連朝風雨洛陽城。展齒平泉點翠英。香粉入泥喧舞。
燕繁枝飛片寂流。鶯石家錦帳春難駐。崔氏朱幡夢。
不明惆悵開元分。宴後夜闌猶作怨歌聲。

得一道人曰。用事自然不落痕迹。何其婉麗多風也。

其六

晚春新漲水淙淙。漾綠披紅濯錦江。泛舸苧蘿愁黯。
黯。凌波姑射影雙雙。濃香盡卸猶窺蝶。繡幌翻飛錯。
吠。厖。永夜淒清難索伴。青烟寒藥對銀缸。

其七

怯將香艷鬪輕寒。徒倚翩翩玉佩珊。鸚鵡喚來愁日。
暮。子規啼罷逐春殘。浪隨飛絮渾無賴。暫綴遊絲却。
未安。脂粉故應零落盡。那堪九畹謝芳蘭。

得一道人曰。他首多作比體。此却是用賦寫落花正。
面恰當。又蘊藉多風。

其八

相逢共唱踏春歌。慘淡仙姿鎖翠蛾。忍把流光閑處擲。那堪風雨夜來多。漫將清淚揮湘竹。却歛深心寄女羅。薄命恐逢韓節度。芳根斲盡柰愁何。

其九

綺閣雕闌百寶裝。韶華無計駐殘粧。樓前恩重辭金谷。井底春深別景陽。有意漫隨流水去。關情還入夢魂香。青衫少婦偏多事。亂撒紅衣滿渚塘。

其十

款步雕闌翡翠屏。倩粧凌亂自娉婷。迎風飛燕嬌無力。沉酒玉環睡不醒。畫閣晝扃春寂寂。空階露濕影冥冥。巖狂豈似章臺柳。浪逐橫塘作野萍。

其十一

舞榭歌臺暗綺疏。流光荏苒度春餘。情傷倩女魂離後。腸斷洛神夢別初。雨濕青衫千點淚。月明錦字萬行書。可憐燕子樓中意。不是凌風試綵裾。得一道人曰借事入情不即不離筆有化工

其十二

春晚江頭寄錦槭依依芳意逐征帆。凌波乍解紅羅襪。怯酒初除綠暈衫。洗却濃粧香淡淡。牽來繡袂玉摻摻。傷心脂粉飄零後。國色天姿仍不凡。

其十三

信斷天涯未可憑。沉香空向玉闌凭。江干草綠荒吳苑。洞口春殘暗武陵。搖落故教同敗絮。廳零何事綴疎藤。使君樓畔休吹笛。東壁留題怨不勝。

得一道人曰信誓旣爽。鴈足沉冥從此地。老天荒飄零搖落未免有情。豈能無恨。

其十四

粧殘雲散綠鬢鬢。撩亂春愁自不堪。珠淚暗彈如有恨。羅襦乍解却饒愁。任教步去香塵染。何處攀來翠鬢簪。鏡裏相看同是影。試將此意問瞿曇。

其十五

悟得瞿曇幻化心。祇園深處度春陰。雲光說後長爲雨。天女飛來不染襟。簷蔔一林空色相。鉢羅六出任浮沉。欲從何處拈來笑。且向廬山夢裏尋。

其十六

山香一曲舞仙葩。蓬島春深事竟賒。色作霓裳飛夜月。影浮玉笋注流霞。神蛾撲後蘭膏艷。青鳥啣來錦翅斜。安得鶴林殷七七。重開九日事堪誇。得一道人曰無聊。後訪道叅禪。總非本來面目。匣劍帷燈妙手入化。

其十七

誰道桃源曲岸濃。重來何處覓仙蹤。但隨流水飄新片。難向深枝憶舊容。剩粉依依翻戲蝶。殘香冉冉逐遊蜂。黃冠女伴曾相約。遮莫飛烟上玉峯。

其十八

晴暉駘蕩景初悠。紅粉相邀戲綵毬。步款潘妃偏帶艷。歌殘樊素暗凝羞。霞光倒映三千界。春色私歸十二樓。最是當年王武仲。閉關清賞足風流。

其十九

枝頭黃鳥自交交。巧借輕梭玉樹拋。惜取繁英粧翠珥。憐將芳露潤青髻。移春檻外飛紅雨。碎錦坊前落粉苞。何事金鈴忘守護。却煩剪綵上寒梢。

其二十

金屋曾聞貯阿嬌。長門風雨冷蕭蕭。新愁枉自傷團扇。舊恨猶堪試舞腰。桂殿晝沉歌管散。蘭舟漲滿棹聲遙。漆園何事悲朝槿。零落芳心共寂寥。

其二十一

扶荔春深綠影繁。芳情凌亂那堪論。御溝流急隨紅葉。太液波平護錦鴛。一曲琵琶青塚恨。千山風雨馬嵬魂。傾城絕世終銷歇。夢斷蘅蕪月欲昏。

得一道人曰至此。凄怨欲絕。伯虎石田兩先生自應傾倒。

其二十二

舊事淒涼白燕釵。春風隨地任安排。枝頭好月窺珠幕。簾外疎星點玉階。蘇小墓前紅粉冷。宮人斜畔暗香埋。何心更作傾城笑。難向崔郎訴怨懷。

其二十三

國色天香顧影妍。可堪歌舞逐華年。窺簾應識芳心戀。浥露空滋淚眼濺。閨苑春歸隨女伴。沅陵月好度飛仙。恩深繡帳終難報。永結三生石上緣。

其二十四

漫向弓腰鬪瘦肢。靚粧偏合妬封姨。紅綃酒罷愁誰
訴。翠羽歌殘夢自知。寂寞曉烟庚嶺路。浮沉春漲錦
江湄。最憐芳信飄搖後。臨去依依戀故枝。
得一道人曰。潦倒後深情厚道至此。可謂怨而不怒
者矣。

其二十五

任教盈艷老深閨。却立風前故故低。默歛新愁憑水
照。半含清淚背人啼。歌殘楊柳春何在。望斷蘼蕪日
已西。好爲東君留結子。莫將心事聽黃鸝。

其二十六

傷心竟爾減朱顏。墮珥橫釵掠翠鬟。桃葉渡頭微步
去。木蘭舟畔卸裝還。殘芳凌亂寧堪數。剩蘂依稀忍
再攀。試向錦官城上望。夕陽何處是春山。

其二十七

耀靈壇上唱春歸。琪草翻風玉樹飛。芳腊好充蘭蕙
佩。檀心聊掛薜蘿衣。難將落艷希宵露。且喜殘英伴
夕暉。墜厠墜茵如有意。放歌相賞莫相違。
得一道人曰。自此忽改淒楚之調。作曠達之語。當是

萬象回春抑且歛華就實

其二十八

一林香雨洒平蕪。落日深山聽鷓鴣。聊假雪英粧粉黛。好將芳片入醍醐。杜陵行樂愁何事。公幹啣杯興莫孤。且續洗粧長索醉。夜深高臥錦氍毹。

其二十九

晚春細雨喜霏霏。落藥飄英却不嫌。絲履製時輕辯歛。縷衣舞後暗香霑。應憐冉冉依裙幄。肯惜深深壓帽簷。好祝錦柯長守護。艷陽來歲爲君添。

其三十

蜂媒蝶使自勞勞。隨地春光笑爾曹。入夢他年誇彩筆。餐英此日續離騷。大官製就疑芳露。上苑頒來換骨醪。洗却鉛華原有意。故教綠蔭拂雲高。

得一道人曰三十首皆擬溫李風華艷麗幾欲掩真。至于如怨如慕自傷自慰溫柔敦厚之旨則三百篇之遺莫但賞其遺詞琢句之工而已。僧德林曰如此咏落花方不寂寞他人便說得敗興矣天然富貴非刻意雕鏤者比。

僧文輝曰咏物不落痕迹如天衣無縫非大作手不能

金陟三先生曰艷冶精工巧奪天孫之錦

耿又樸曰膾六朝之腴而出以凄婉之調怨而不怒哀而不傷其風人之遺乎

李亦庵曰艷而不浮巧而不纖聲和響切六朝風雅不墜矣

楊道聲曰三十首有比有興有章法次第皆爲自家寫照吾欲以駢體序之惜忽忽未能也

朱雪崖邑高苑之三月有走卒羅必振叩馬上書索詩篇文采斐豐因作詩以美之

使君家世擅桐鄉。百里絃歌遍翟陽。自有詩書清案牘。更聞甲冑重循良。部民判乞張公草。樂府詞傳白傅章。執戟堂前知問字。虎賁何必讓中郎。

其二

桃李公門俱不羣。政成三月羨神君。忽傳羅隱嘗耽句。誰信王尼雅擅文。稷下聲華歸壁壘。琅琊旄纛起風雲。花前好製饒歌曲。更寄征南十萬軍。

得一道人曰題甚新詩亦綽有韻致

贈浦城令周五尊同年

射策當年動

銅符百里佩

紫宸

恩新

中原詞賦推三楚南國循良盛七閩車畔月明鶴自舞琴邊花發雉應馴海天臥鼓傳烽靜獨慶巖城早被春

贈張守府自浙東移鎮溫陵

龍城儒將望翩翩羽扇風流自昔年家世早窺三略

祕藻思新構兩京妍雕弓力射錢塘水龍劍光搖海國天楊僕樓船今奏凱知君姓字倚凌烟

己未再入都江干畱別諸友

支離南北老風塵書劍重驚萬里身病擬王維終負國檄慙毛義竟違親烽烟滿目誰安枕霜雪前途客問津尚有舊遊憐潦倒江干分手暗傷神

劍水

豫章紫氣斗牛橫靈性冥茫感緯精不謂光埋衝獄上祇聞形化入澶清永嘉莫展鋤奸力壯武空傳博

物名海國烽烟今未靖何當一借掃長鯨

諸葛元策曰茂先既不鋤奸又不去位寶劍雖出不爲用也讀先生此詩令人壯志雲生干將當爲躍出矣

建溪舟行

千巖萬壑鎖雲隈石迸濤奔壓棹來水伯排空蒸雨
雪山靈掣地嘯風雷乾坤有怒奇偏出身世須平險
好開更覓烟波深穩處斜陽繫纜恣啣杯

除夕前一日次吳門

飄蓬客况不堪論回首雲山望欲昏纔掛片帆辭越
水忽驚臘鼓鬧吳門路遙歲晚依僮僕雨暗江寒夢
弟昆聞道王師新奏凱春光應滿舊家園

吳門寄二弟

布帆衝臘下吳關破浪乘風笠澤灣雨暗可堪鴻鴈
少沙明尤羨鶴鴿閑衛生願汝身差健久客憐吾夢
欲還辛苦貧家愁菽水歲時強笑慰親顏

寄長秋弟

汝幼寧聞行路難片帆衝雪歷風湍須知客况經年

本舊山房詩集
瘁祇願親心。一旦寬襟被長途。如見憶書聲。午夜莫辭寒。肯將攻苦娛晨夕。倘慰高堂得笑歡。得一道人曰。天性真至之語。與尋常酬應不同。信能移我情也。

代壽武林錢太翁

崑嶙拜爵栢觴餘。鳩杖方瞳駕鹿車。大曆才名新綵筆。江東家世舊丹書。鸞翔獨擅琅玕管。鶴隱常耽水竹居。手種芝田三百頃。笑看玉樹列瓊琚。

庚申春仲清風店阻雪同楊道聲分韻

曉色迷離欲向宵。柳條新綠絮驚颺。應隨初月光先滿。却耐寒風凍不消。漢節當年心共苦。剡溪此日興偏遙。陽春雅調誰相擬。索句還期到灞橋。

贈陳中準自浙東移鎮山陰

銅柱天南喜奏功。承恩飛將出雲中。却移浙水平潮弩。重試燕山飲羽弓。畫角曉催龍首月。牙旗秋捲鴈門風。黃花嶺外烽長靜。緩帶輕裘好射熊。得一道人曰。的是初盛聲響。

代祝王農山先生雙壽

栢臺雙貢紫霞觴。玉樹三珠卜慶長。象服喜偕鳩杖老。豸冠欣衍鳳池香。秋高月映琅玕管。春滿花浮沆瀣漿。南極一星牛斗耀。江東重振舊青箱。

送涂紫峙之魏縣

三徑歸來陶令風。歲星方朔滑稽雄。錦囊常貯驚人句。藥裹兼存濟世功。此別燕臺秋正好。他時漳水興誰同。山濤知己君何恨。啓事應收藻鑑中。

贈歸德別駕陳北山改補南陽

驥足蜚騰再建旄。屏星五月度成臯。題輿已起名卿

駕泥軾還同刺史。褒梁苑棠陰垂日未。宛城車蓋入雲高。循良名杜君應嗣。持贈何當解佩刀。

又代贈陳北山

榴火燕臺五月明。題輿仲舉擁行旌。皁衣績著梁王苑。黃綬威新博望城。別榻當年尊長史。佩刀他日卜名卿。早知父老謳歌盛。應借淮流比政清。

代陳崇昇贈其姪孫中準鎮山陰

燕市驪歌出塞行。瑠弓玉勒度長城。天南舊試龍蛇陣。漠北新開虎豹營。日暖旌旗迎曙色。風高鼓角壯

邊聲神駒千里應騰駕漢史寧誇飛將名

咏菊 有引庚申孟秋

鄭雪廬老先生買菊數十本列植庭廡秋色燦然

寒香滿徑按譜索之悉得佳名各賦一律以誌

雅尚

御袍黃

上苑秋深燦晚英。柘黃貴擅袞衣名。高懸本自標天
極。正色由來冠日精。彩映金莖仙掌艷。香分玉座御
烟清。大官好製延齡醞。垂拱年年獻壽觥。

得一道人曰此題不可無此冠冕壯麗之句却是得
未曾有

玉牡丹

控鶴仙人姑射姿。玉堂秋好伴東籬。白衣酒到應相
稱。青女粧成祇自疑。素質豈煩寒露洗。暗香寧耐晚
風吹。鉛華漫借花王擬。不逐芳菲二月時
得一道人曰已露俯視一切之槩

慶雲紅

共訝籬東隱彩虹。金光朱艷冠芳叢。日精散作枝枝

木窟山房詩集
火秋色催來片片楓。瑞結非烟凝晚圃。力持絳節敵
西風。玉英會許劉生和。丹熟相期碧漢中。
得一道人曰。句句是菊。光彩陸離亦不減。卿雲五色
而言外之意更自無窮。

剪霞縞

陶令籬前夕。照斜數枝穠。艷映明霞蓄。薇却訝霜中
好。芍藥猶慙晚節賒。萸佩有香須並採。羅囊共色未
應誇。山人丰度原瀟灑。賜得官袍覺態奢。
得一道人曰。北山之移當自有爲。然以此作此題結。

句却又妙不可易。

醉楊妃

貞色誰將妃子看。藏羞無語意闌珊。祇緣艷態風前
嫋。漫擬妖容酒後丹。紅汗多應含露濕。豐肌恰稱耐
霜寒。驪山留得幽香否。只恐花神未肯安。

諸葛元策曰。花神有知拜先生爲知己矣。

粉西施

秋老吳宮試淡粧。翠翹掩映玉顏光。鴉黃初染脂微
暈。麝片輕拈體暗香。含笑芳心疑待月。半酣舞袖欲



原件短缺

凌霜芋蘿本自傾城貌三徑今推獨擅場

瓶菊

幾度風霜耐老成玉堂深處護餘生移將荒徑亭亭
幹吐作高齋淺淺英葉底香微聊寫意花間豔瘦豈
逃名素心恰稱冰壺伴洗盡塵泥品更清
得一道人曰寓意難得如此恰合

殘菊

傲骨猶存減豔姿秋殘三徑影離離恩深雨露留他
日苦閱風霜到此時甘谷通泉珍壽餌玉英和藥訂

聖德

三木關復古河於回世...

其四

志難肯向...

華樓高...

其二

長心...

...

隊陳平間楚未捐金虹流此日猶難信碧化他年倘
見心逃賞介推徒自苦焚山何事禍相尋

其三

焚山介子異彈冠晉室酬功死亦安脫兔已非傷離
鞏射烏偏誤指啣環君親兩繫分心苦利鈍殊觀辨
志難肯向鴟鴞訴恩怨風雷應識

聖朝寬

其四

三木關身古所傷。可堪縲纆百鈞強。酬恩舊擬嬰同

聖聽

杵信誓誰知左負羊

自聰難蔽日臣冤終洗莫飛霜絳侯未短英雄氣獄
吏由他貴不妨

其五

生來傲骨太嶙峋。天遣銀鐙試此身長咏楚辭聊當
哭靜探周易已忘辛淒涼入夢呼

明主

瀟灑題詩慰老親吾弟幼期文信國勤思忠孝莫傷
神

得一道人曰千錘百鍊心。曾千錘百鍊筆力浩然之

氣耀日星而穿金石矣

初被繫守者趙公索詩因題贈之

金貂累葉戟門榮。俠少翩翩意氣傾。鐵鎬星流誇手健。玉鞭電遶鬪身輕。不因縲紲訾公冶。却令拘囚羨晏嬰。閩外卽今需算勝。佇看推轂仗龍旌。

題松鼠竊葡萄畫筵

辛酉季夏

佳種原從大宛傳。上林未貢已偷先。社棲偶托龍鬚重。河飲偏貪馬乳鮮。縱識矢遺難辨枉。自非飯涉莫輕捐。何當一舉迎猫典。徒憶靈根入漢年。

鄭雪廬老先生筆頭畫黃紫二菊命題因步朱

起予菊詩四律原韻

東籬仙種最標奇。移向玉堂品更宜。紫纈頒從重九日。御衣貢值晚秋時。燒燈取影姿增媚。潑墨傳香興不痴。欲借騷人餐未得。个中三徑漫裁詩。

其二

自是西風百戰身。化工點染出埃塵。偶畱色相差供賞。欲挹芬香別有真。寒藥未舒聊見意。孤根特秀許誰鄰。天生傲骨難描似。坐對披襟却近人。

得一道人曰。畫菊耶。自畫耶。化工之筆。

其三

秋老霜枝最耐時。却依紈素影離披。滿頭欲插誰供採。對酒相看許並持。檀暈初勻粧濫濫。醜顏長醉舞傲傲。歸君掌握香。應遍蜂蝶。原來未得窺。

其四

逸態橫秋寄此身。偶依懷抱且相親。甘泉液潤流香遠。彭澤風清入袖頻。托素疑添霜作骨。映牋倘倩月爲神。丹成和藥驂仙去。蛻影聊遺載酒人。

關西墨客以扇頭黃紫二菊呈鄭雪廬先生。余

既爲咏詩而朱起予重賡前韻。楊友道聲繼至。復新郢唱。筆墨既多。風味各見。增余感慨。爲足一律。

魏紫姚黃態獨成。誰將紈扇寫秋英。偶傳色相猶爭勝。肯傍芳菲別向榮。塵外幽香高自賞。霜中傲骨晚偏擎。東皇留得孤根否。搖落西風淚欲橫。得一道人曰。品格既高而厚道深情。又在筆墨之外。

忠臣孝子斷非冷落無情者所能。

又曰咏菊難咏畫菊更難今只寫自己真菊隨手
揮灑映帶而菊與畫菊之性情品格刻露殆盡而
一唱三嘆言外之意更自無窮當以此為咏物極
則

東行口占三律 壬戌季春

襍被登車謝

九閣
聖主
三年囚首一身存賤同厨養孤臣分生到邊庭
恩籍削寄名歸卒伍魂銷憑夢返家園白雲南向腸
淒斷鶴髮東風正倚門

得一道人曰血淚如雨浩氣如虹不可不讀不堪多
讀

其二

聖恩
慷慨休歌行路難安排隨地
寬牛車未免煩田老升斗依然仰大官瘦骨可堪邊
塞苦敝裘寧耐朔風寒臨岐不灑傷心淚憂
當年淚已乾

國

得一道人曰他人至此涕泗滂沱之不暇此却婉轉
悠揚出之似謔非謔似達非達總由會中有真摯

不可磨滅處無愧無忤隨筆所至自然從容大雅
非可強也

其三

帝鄉猶未遠還勝凝碧望
風塵三載羽書馳填海曾聞精衛悲豈意上官專草
藁翻令巷伯嘆南箕鑠金祇為招羣忌投杼何當慰
母疑行矣

閻時

得一道人曰結句確有此心非其言云爾真人豪也

留都北郊白塔 壬戌孟秋

陵闕百尺浮屠接塞烟曾聞古剎自唐傳雕闌映月澄空
界寶鐸隨風韻遠天歷歷亭臺斜照外蒼蒼
暮雲邊滄桑幾閱人間世梵唱依稀似昔年

癸亥春日即事

遼海春回襍被溫東風立雪滿蓬門詩書課業儒生
事牛馬行藏

聖主

恩病後關心唯藥裏愁中入夢是鄉園願天長與高
堂健遊子飄零淚暗吞

其二

陪京佳氣自葱芊。比戶銷兵講誦絃。避地敢同王烈。隱談經應愧管寧。賢江湖已縱禽魚樂。草木猶期雨露偏。

聖主

恩深容有日。倚闥愁望又經年。

得一道人曰。便有素位而行氣象。可為處患難者之法。詩却近錢劉。不入宋人之腐。

代人書紙戲題

蘭亭古本入昭陵。蘭紙應猜價亦騰。可嘆中山毛穎。

秃非關內史。墨池冰堅同勒石。徒畱影澀比書灰。欲起稜縱乏鵝羣。來換字如何。惜買刻溪藤。

灌花卽事 癸亥夏仲

數畦樊圃隔囂塵。縛竹編籬野色新。偶爾荷鋤忘讀史。恰當抱甕喜逢賓。灌濡聊寫林泉事。霖雨還須天地仁。取次綠陰窗外滿。一樽遙對故園春。

贈爾彈上人

參遍名山悟未能。豈辭跋涉問傳燈。軍持夜汲遼河。月不借冬凌。鐵嶺冰南北。宗分空性合。鏡磚功到慧。

根澄耽禪懶作懷仁字。故倩塗鴉塞剡藤。

贈司農莽公長君

名卿家法迥超羣。玉樹翩翩欲拂雲。風勁臂鞬秋射隼。月明揮麈夜論文。驥聲佇向天衢步。龍氣先從斗漢分。折節下交多古誼。何須徒憶信陵君。

贈民部佛君

簪裾累葉冠神京。粉署含香振舊聲。袴褶追星金勒。燦琴書對月玉山明。周郎顧曲偏增韻。崔湜吟詩早擅名。邂逅相期多意氣。放歌聊擬越人情。

贈張明黃

鳴珂家世擅當年。玉樹凌風喜象賢。聖著南金標異品。書傳博物構新編。雄懷高掇燕臺月。健筆橫披遼海天。知爾兩京能草賦。聊方萊舞曲江前。

戊辰初夏同諸生郊遊射飲題李生箒

選勝尋芳帝里西。晴川一望草萋萋。山花叢裏看鶯度。綠柳陰中聽馬嘶。興到竟忘身是客。杯酣拚得醉如泥。春風童冠吾徒事。莫訝清狂學阮嵇。

又題楊生箒

四月清和麥已秋。邊城正好作春遊。一林細雨山花落。十里平川野色收。鞞遠綠楊飛袴褶。茵開淺草雜觥籌。片雲頭上催詩思。乘興狂歌未肯休。

步嶠公自秦中省覲還

中丞節鉞重秦關。玉樹翩翩省覲還。粉署風清香氣好。畫堂春暖彩衣斑。鵬搏欲試三千里。驥足先騰百二山。文正舊祠曾謁否。純仁昔日在行間。得一道人曰尋常酬應之作。無處出色。恰當不俗。便爲老手。

中秋勝集步

壬申仲秋

喬大師韻

桂魄初圓遼海秋。十年重訂白雲遊。風烟萬里晴光合。城郭千家暮色收。庭樹乍飄清露濕。籬花欲綻暗香浮。懸壺縮地知何術。倘許從容返舊丘。

戒諸生飲煙

風人博物不知形。炎帝偏遺本草經。何日嗜痂先作俑。至今逐臭取寧馨。九天咳唾非珠玉。四壁烟雲失戶庭。問字登堂宜載酒。那堪醉此未能醒。

得一道人曰。罵得風雅真令人解頤。

諸葛元策曰。諧趣高奇。得未曾有。令人拍案叫絕。
賀許庶三擢國子監丞。

汝南家世有誰倫。吾道東來教澤新。雪冷青氈遼海
暮風回絳帳。壁池春二齋舊德推胡瑗。三禮鴻裁待
董均。進學不須頻作解。大儒此日盡名臣。

癸酉立夏同吳道人劉子端暨諸及門爲千山
之遊。是日渡小遼水。

遼海飄零閱歲年。登臨此日亦前緣。欲尋名勝千峯

頂喜值清和。四月天。淺水草橋橫古渡。近村茅舍遶
寒煙。溪山是處堪憑眺。回首鄉關意惘然。

諸葛元策曰。坡公嶺南無此風趣。先生之遇勝坡
公遠矣。

遼陽酒家遇顧澡雪約同行不果。

古蹟蒼茫不可求。情深弔古莫言愁。波間白鳥聊遊
戲。天半行雲任去留。結伴有人方外客。放懷隨地酒
家樓。渡遼惜買登山屐。我笑風流顧虎頭。
祖越寺。

寒驢入谷日將曛。好客山僧意倍殷。石徑早邀千樹月。洞門高掩半峯雲。松從天際驚濤湧。泉向花間細溜分。三疊琴心應有悟。莫言大乘異聲聞。

無樑觀劉子端怯不敢登嘲之

興到扶筇最上巔。洞門深鎖白雲邊。崖飛欲去疑無地。徑削盤空直接天。萬壑松風當戶韻。一林花雨點苔妍。此間不是元都觀。何事劉郎獨少緣。

龍泉寺

谷狹巒迴鳥道長。夕陽林杪暗通光。穿雲曲澗環僧

舍。插漢孤峯對客堂。松向石間標瘦骨。花從巖際散天香。箕山一曲誰同調。半掩禪扉月到牀。

中會寺時劉子端將納寵又向僧卜居嘲之

中峯寶刹盛初唐。策杖尋來徑已荒。雨導流泉歸故澗。風驚巢燕語空樑。避喧自是禪心寂。索飯其如客興長。採藥劉晨原有路。漫言習靜借僧房。

大安寺登望仙臺不果

短筇曲折度層隈。到此登臨興始開。寺俯諸峯皆下矣。門懸雙壁亦雄哉。雲迷洞口疑天近。風捲濤聲動

地來只恐山靈應笑我。遊山未得上仙臺。

大安阻雨

枕邊滴瀝夜何其。晨起山光入戶奇。峯沐曉粧疑點黛。松添新翠暗抽枝。花間懸溜爭流疾。天半輕雲出岫遲。珍重老僧留客意。却煩造物雨催詩。

得一道人曰山間雨景如畫

香巖寺

曲徑千盤往復迴。白雲深處洞門開。嗟傾景霽陰常積。林翳人行鳥不猜。入夜鐘聲隨夢度。侵晨山色到

窓來。望中收盡諸峯勝。展齒何須再上臺。

取道雙峯回瀆

蓮社當年憶遠公。至今衣鉢素心同。松間月對千山曉。花徑泉從半嶺通。已喜卜居逢勝地。更欣拜塔仰高風。歸來未遂幽棲興。夢遶仙人第一峯。

得一道人曰此山向未有佳作得此而山之勝亦盡矣。後有作者亦無以加也。

喜顧澡雪移居東鄰步孫嘯夫原倡六首

陋巷聊堪寄此身。移居元亮喜吾鄰。披衣好覓同心

侶掃榻欣來不速賓。此日我牛復我馬。他年誰厠定。
誰茵望衡對宇情。偏求愧擬前賢托隱淪。
得一道人曰。和韻詩難矣。乃語能入情。透骨則何可。
多得也。

其二

故園萬里路漫漫。勝友差堪耐歲寒。薪貴掃將黃葉。
爨盤空。收得落英餐。邊城氣早霜微度。鄉井秋高露。
正溥。只有傷心難共處。白雲南向獨君看。

其三

疎瀟已慣性偏幽。潦倒常于物外求。問道初尋龍虎。
訣。得朋重典驪驪裘。酒狂我亦雄千載。癡絕君還讓。
幾籌。莫爲西湖紫旅夢。浮生天地一虛舟。

其四

遷客天涯共一鄉。彥先丰度更汪洋。唾壺擊碎風生。
座。玉局敲殘月到牀。墨汁滿頭書自聖。筆花隨手夢。
皆香。

君恩

許泛孤山棹。阜帽相從未可忘。

其五

莫向朱門羨建牙。安排隨地且爲家。百城坐擁非蓬
華。半榻高吟勝鼓笳。有樹凌風堪作蔭。無池積雨便
成窪。曾中靜處皆丘壑。漫道山陰與永嘉。
得一道人曰。此首無韻不難。却無韻不穩。天然佳句。
絡繹如有神助。

其六

同是飄蓬孰與徒。素心莫問爾耶吾。詩成索和須千
首。釀熟相招罄百壺。清興豈緣貧賤減。壯懷寧逐歲
華徂。從今羈旅占星聚。便倩長康譜作圖。

得一道人曰。步韻至數首。大都牽強不可問。此則貫
串自然。章法次第又復井井。非讀破萬卷不能。

張姓里人自海舶抵遼。詩以贈之。

博望家風氣自豪。片帆萬里度飛濤。雲蒸碣石聊看
蜃。日出扶桑好釣鼈。鄉語忽驚遷客夢。扇頭難寫逐
臣騷。平安煩報余昆季。海錯將來佐濁醪。

遼河卽事限韻

小艇漁竿溯晚風。蓼花深處漾晴空。雲屯遠浦凌波
暗。日映荒城倒影紅。淺水遊魚聲潑刺。長天飛鴈字

木庵山房詩集
朦朧何年歸釣龍江上。烟雨迷離一箸蓬。

餉存誠黃精

法製黃精只一斤。九蒸九曝費辛勤。青紅黑白今方盡。甘苦酸辛到底分。養命只他無別物。長生得此便超羣。工夫稍間難純熟。野老如何敢奉君。

其二

妙藥須知不易逢。朝朝進火也從容。稍閑便要連根洗。得力全須併口封。野道漫誇文武火。愚僧空詡北南宗。嘴頭嘈雜成何事。咀嚼方知意味濃。

白雲別墅二十四景

杏林曉日

東風一夕遍天涯。春滿仙人董奉家。曙色早披千樹錦。晨光倒映萬峯霞。殘紅漠漠驚飛蝶。香片霏霏撲曉鴉。芳宴曲江當日事。山村索醉酒須賒。

菊岸晚風

河干佳種勝東籬。向夕微涼品更奇。傲骨亭亭疑欲舞。幽香冉冉暗相隨。餐英騷客須乘興。送酒白衣莫待時。帽落滿頭聊插遍。故園三徑慰吾思。

雨後課耕

逐婦鳴鳩似少情。關關布穀又催耕。雲迷遠岫新阡濕。漲入前灘舊壟平。花外扶犁驚蝶夢。柳間驅犢亂鶯聲。衢歌擊壤畱今日。是處堯天寄此生。得一道人曰。春耕妙景。何可多得。試畫之。何如。

晴秋觀穫

控粟聲喧禾黍肥。秋原極目倚柴扉。腰鎌戴月呼鄰去。肩笠迎風捆載歸。縱牧雞豚歡落穗。賽神簫鼓醉斜暉。野人愛

國

無他願。却喜年豐願不違。得一道人曰。命意深厚。

鳥道杖藜

仄徑穿雲策杖前。花間樹底興翩翩。千尋峭壁詩中畫。一曲河流鏡裏天。近岸柳陰藏釣艇。遠村茅舍起炊煙。年來漸少鄉關夢。憑眺難禁意惘然。

漁磯垂釣

蹉跎何計賦歸歟。幸有名山可著書。片石傍花漁父岸。一竿掛壁野人居。臨流偶爾因觀物。投餌寧期爲

得魚渭水西風日未暮烟波渺渺莫愁予
得一道人曰命意不淺

暑雨趣耘

長夏薰風暑正舒平疇萬頃綠扶疎一行雨色迷村
墅百道泉聲繞草廬已喜良苗爭擢秀須知非種早
應鋤南山荷鍤吾生事耕鑿隨時樂有餘

夕陽歸牧

夕陽芳草望中收牧豎驅牛下隴頭洗耳卽今應未
晚掛書此日更何求高歌唱徹江村暮短笛吹殘雲

樹秋好閉柴門臥月去豐年有夢更悠悠

野艇漁燈

扁舟三五綠楊叢入夜飄搖西復東隱現疎星臨水
白微茫遺燒隔林紅潭空屬網畱斜月岸近停橈任
曉風歌罷滄浪雞已唱從容棹向碧煙中

遠岡樵唱

丁丁空谷却聞聲一曲隨風逸韻清響透林中驚葉
落籟傳天際過雲橫漁歌隔浦停橈和牧笛前坡待
伴行換酒西昌歸去晚遠峯斜月半規明

春壁花叢

春山是處繪新姿。繡壁天開此地奇。側竇倒披珠錯落。高崖重幕錦參差。數聲啼鳥催遊侶。一徑香風護杖藜。倘惜晴光須索醉。莫令春老負佳期。

秋崖錦葉

萬樹離披五彩張。偶憑枝葉作輝光。豈貪晚景芳菲艷。自是千秋麗藻長。巖壑有時藏錦繡。風霜歷後見文章。貞心尚有喬松幹。寒歲參天色更蒼。得一道人曰自家寫照。却是至理。擲地作金石聲。

冰鏡窺魚

雪後風吹萬壑寒。微波不動玉龍蟠。躍淵無計潛身易。賴尾徒勞息影難。澤腹已堅休屬網。晶宮長閉莫投竿。達人漫作忘筌想。濠濮還疑彷彿看。得一道人曰極沉着不入晚唐之巧。極深細不入宋

人之腐景中。此爲第一。詩亦以此爲第一。

繡陌射雉

晝暖平蕪綺翼張。南皮樂事技爭強。林間月滿濺紅雨。草際星流落錦裳。縱向如臯難博笑。可堪牧犢自

增傷朝飛操罷腸。寒斷欲賦將雛感更長。
得一道人曰失偶後自不堪賦此借事入情。凄其欲
絕。

雲岫探泉

泠泠幾曲發源長。策杖窮探到上方。草綠鳥啼人共
靜。峯迴路轉境相忘。奔流咽石寒侵玉。飛溜穿花暗
染香。惠水金山徒悵望。此間自有品茶鄉。
得一道人曰三四以自然勝五六以精警勝一再讀
之令人神往。

虹梁觀瀑

石梁百尺豈長虹。天矯龍騰巨浸中。河伯駕空飛雨
雪。天吳掣地挾雷風。廣陵八月濤爭勝。巫峽三江浪
較雄。恍惚匡廬真面目。青蓮佳句有誰同。
得一道人曰豪壯與題相稱。

古洞鹿蹤

幾時清飲白雲泉。佳句曾傳賈浪仙。勝地何緣同昔
日。遺蹤應得似當年。道傍覆葉真成夢。上苑啣花豈
偶然。好向羨門乞丹訣。瓊臺玉室洞中天。

得一道人曰自然流利只似信筆寫來中自具曲折
婉轉深厚唐宋元明各家之外別自一種此從讀
書破萬卷中來不可學也

綠陰鶯語

舍東一壘綠婆娑。現皖枝頭韻正和。求友豈真情未
厭遷喬。試問興如何。金衣映日閑翻影。玉樹凌風巧
奏歌。斗酒好延騷客。共詩腸鼓吹。自今多
得一道人曰咏鶯佳句獨絕而借景入情真繪水繪
聲手也

沙渚浴鳧

把酒臨風對落霞。却欣野鷺下晴沙。細流刷羽翻蘋
葉。曲岸呼雛。唼藕花。魚鳥羣中皆得侶。水雲深處即
爲家。何心更羨王喬鳥。泛泛隨波日已斜。
得一道人曰寓意却成天然妙句

河干宿鷺

水天一碧澹秋光。玉羽眠雲夜未央。岸草連棲寒積
雪。汀花入夢暖偎香。雨中拳足容偏潔。月下垂絲影
更長。喜有此時鴻漸客。林泉深處共廻翔。

月夜松濤

高閣憑虛俯太清。更闌松月隔窗明。乍驚半榻龍蛇影。忽送千峯風雨聲。露冷瑤池閑度曲。霜迷緱嶺靜吹笙。誰知虎嘯荒山夜。老幹排空獨自鳴。

得一道人曰雄聲壯氣直撼九霄

霜天清磬

月曉霜清積翠濃。數椽草閣白雲封。忽聞仙籟來天外。却出雲間第一峯。流響疎林寒瑟瑟。餘音空澗韻淙淙。從容喚醒塵囂夢。何必豐山聽曙鐘。

列嶂明霞

輟耕攜酒狎漁樵。返照山村暮景饒。絕壁盡懸員嶠石。遠峯高建赤城標。瓊林花散鋪雲錦。水府光浮貢彩綃。自是補天功未就。陸離五色向空燒。

得一道人曰絢爛不減天半朱霞

羣峯霽雪

天花散漫萬山隅。的皪晴暉入畫圖。陌上有田皆種玉。林間無樹不成珠。朝霞倒映姿偏淡。夜月同光影未殊。料得陽春難索和。閉門清賞醉屠蘇。

得一道人曰自燕臺西湖瀟湘濫觴無地不稱八景
而佳句絕少輿地所載令人欲嘔矣遼海今日畱
都然邊關之隔名賢展齒少經題咏亦不數見文
采茂如今二十四首中有極清曠者有極雄壯者
有極藻麗者有極靜深者有極竊宵者意態百出
而山居之勝曲盡合之千山諸作而荒遠索寞之
區頓現蓬瀛瑤島令人快心爽目神遊其地自此
遂千古矣乃信名山大川必賴名筆以傳非虛語
也

燈花

仙種非關金谷栽。祝融峯下一枝開。含香豈俟因風
落。弄影寧須待月來。不逐四時更秀色。偏從五夜占
春魁。佳人喜得王孫信。暗對銀缸笑幾回。
得一道人曰結句更饒姿致

鳥夢

蘂宮樓息一枝溫。漠漠隨風度遠村。矰繳驚心皆是
幻。字書寄迹不留痕。飄搖疑訪莊生蝶。彷彿欲追望
帝魂。曲罷綠衣催散後。參橫梢底月黃昏。

得一道人曰字字貼切字字入微自是此題絕作
惜花春起早

草綠冰銷淑氣回百芳正逐早春開離離疎影窓前
度冉冉寒香枕上來索屐須乘清露濕披衣莫待曉
風催釵斜鬢亂慵粧束却向雕闌繞幾迴

愛月夜眠遲

露白天高一片明冰壺濯魄自盈盈波光掩映心偏
靜花影橫斜態轉清欹枕多情如欲訴倚闌有夢尚
難成庾公不淺胡牀興玉漏聽殘已四更

代祝輔國公太妃

璿霄寶婺燦天潢瑤島卿雲煥曙光丹鳳舞迴彤玉
案青鸞歌送紫霞觴倥傯松實千年貢萼綠瓊芝百
拜將戲綵欲娛庭訓志九如學譜已成章

觀漁

風微日暖正清和泛艇投罾樂事多
唼荇纖鱗爭噴沫吞舟巨鬣亦驚波
盤空得佐歡娛未澤竭其如蕭瑟何
果爾臨淵餘逸興不妨結網再經過
得一道人曰借成語為轉語觸手皆成妙諦

觀射

風高木落帝城秋。錦褶雕鞍屬臂鞬。萬騎控弦看月滿。千營鳴鏑逐星流。爭雄共擬穿楊巧。角力還同飲羽優。此日天山方奏凱。且須養技待封侯。

郊外射飲

聖朝已勒燕然石。觀德原非尚武功。淺草平蕪控玉驄。分棚角射與應同。穿楊共擬由基巧。飲羽還誇李廣雄。載酒行觴須命中。登高作賦敢言工。

燕剪

裁罷烏衣意更慙。春深刀尺盡堂聞。差池柳幔迎風斷。下上花衾帶露分。簾外斜披聊寫影。波間輕削便成文。玉人釵好偏增趣。掠出香鬟片片雲。得一道人曰咏物題貼切之外。必須寓意。不則須饒姿致。無是二者。則泥牛木馬而已。此則以姿致勝者也。

紀

恩兼畱別諸生之作 戊寅冬仲

旬伏迎

古驛邊承

何幸勝當年

溫綸勞問停

仙蹕玉軸親擎接

御筵敢謂孤忠能報

倘憑至敬得回

天二齋

長安設吾道東方爾輩傳

詔向

得一道人曰二語確是回天本領

其二

六龍已駕集千官

詔趣孤臣上

玉鑾語謝陸卿

天賞渥才非李白

聖慈寬此身誓死酬

恩晚今日生還報

國難稽古諸君同努力拜颺共矢寸心丹

得一道人曰雷電霹靂淒風苦雨之後不可無此題
亦不可無此詩然數行中而至敬孤忠酬恩報國
略具梗概至于傳道東方諸生努力而培養英才
以人事君又略見一班矣彼短狐鼯鼠作心汗顏
庸豎鄙夫驕聲傲色安有此正大光明氣象也且
以此作上半生小結局此後別有一番作用經綸
尚當拭目俟之


蒙

恩旨後送內人靈柩南歸

丹旄蕭蕭潞水濱。心傷閨閣失奇人。銀鐙遠涉七千
里。井臼身操十五春。處困猶知安義命。得還應向
酸辛香魂含笑南歸去。溫語重泉慰二親。
得一道人曰極傷心事却極得意之詩

其二

父病翁愁淚眼枯。倉皇法吏促登途。高堂忍痛多寬
慰。幼女先離免號呼。家禍久嬰容慘瘁。臂痕新剜血
模糊。登舟聞訃方長慟。共詫閨中一丈夫。
得一道人曰悽愴不堪再讀



原件破损

松鶴老人身創不毀臣願

恩旨。即貽書內人曰。長。憐。共。痛。閨。中。一。女。夫。

聖恩許吾夫婦完聚爾當勉力。夫。嬰。容。對。我。多。時。但。以。好。言。寬。慰。失。聲。下。淚。非。吾。妻。也。內。人。謹。識。余。言。時。先。岳。疾。革。內。人。痛。不。得。見。父。潛。剖。股。遣。僕。趣。奉。岳。家。忽。縣。吏。促。登。程。內。人。先。一。日。已。令。人。抱。幼。女。他。所。不。令。見。升。堂。以。好。語。慰。吾。父。從。容。登。舟。而。僕。人。奔。至。先。岳。已。氣。絕。矣。內。人。始。大。慟。碎。血。泉。湧。仆。舟。中。觀。者。出。涕。事。詳。先。室。行。述。

